

樹池飲自恣安隱縷盡牽還投弄惱苦如本
無異修行如是自惟念言雖至梵天當還欲
界苦惱如故是頌曰

辭如有雀繩繫足 適飛縷盡牽復還
修行如是止梵天 續行欲界不離苦

延聖比丘 惟拱書

法苑珠林卷第六十六 壁六

釋音

坵去聲 素去聲 了了 必必 窩窩 愚愚

大宋國平江府崑山縣朱塘鄉第四保夏里中村居住崇奉

佛女弟李徐氏六三娘 情旨伏自行年六十二歲本命壬子正

月十五日建生由特神保安身位平善之次謹發誠心捐施

朱林六十六

十二

淨財入 磧砂延聖院大藏經坊命工刊造法苑珠林第六十六卷

連音字共伍阡伍佰壹拾陸字每字工錢伍拾文舊會總計銀

貳佰柒拾伍貫捌佰文舊會所集 功德保佑六三娘身位常

安增延福壽門開清吉寶眷康寧凡在時中吉祥如意者

實祐元年七月 日奉佛女弟子徐氏六三娘 謹題

都勸緣大檀越成忠郎趙安國

法苑珠林卷第六十七 壁七

大摩訶羅漢沙門釋道世撰

蟲膏部第六

如禪秘要云復次舍利弗若行者入禪定時
欲覺起貪媻風動四百四脉從眼至身根一
時動搖諸情閉塞動於心風使心顛狂因是
發狂鬼魅所著晝夜思欲如救頭然當疾治
之治之法者教此行者觀子藏子藏者在生
藏之下熟藏之上九十九重膜如死猪脰四
百四脉從於子藏猶如樹脂布散諸根如盛矣
囊一千九百節以芭蕉葉八万户蟲圍遶周
而四百四脉及以子藏猶如馬腸直至產門
如辟劍形團圓大小上圓下尖狀如貝齒九
十九重一一重間有四百四蟲一一蟲有十
二頭十二口人飲水時水精入脉布散諸虫
入毗羅重頂直至產門半月半月出不淨水
諸蟲各吐猶如敗膿入九十蟲口中從十二
虫六竅中出如敗絳汁復有諸虫細於秋毫

遊戲其中諸男子等宿惡罪故四百四脉從
 眼根布散四支流注諸屬至生歲下熟歲之
 上肺脾腎脉於其兩邊各有六十四虫各十
 二頭亦十二口婉繞相著狀如指環盛青色
 膿如野猪精臭惡叵甚至歲陰處分為三支
 二九在上如芭蕉葉有一千二百脉一一脉

中生於風虫細若秋毫似毗蘭多鳥嘒諸虫
 中生筋色虫此虫形脉似筋連持子歲能動諸脉
 七萬八千共相纏裹狀如累環似瞿師羅鳥
 眼九十八脉上衝於心乃至頂髻諸男子等
 眼觸於色風動心根四百四脉為風所使動
 轉不停八万户虫一時張口眼出諸膿流注

諸脉乃至重頂諸虫崩動任無所知觸前女
 根男精青白是諸虫淚女精黃赤是諸虫膿
 九十八使所熏修法八万户虫地水火風動
 作作此佛告舍利弗若有四眾著慙愧衣服
 慙愧藥欲求解脫度世苦者當學此法如飲
 甘露學此法者想前子歲乃至女根男子身

分大小諸虫張口豎耳瞋目吐膿以手反之
 置左膝端數息令定一千九百九十九過觀
 此想成已置右膝端如前觀之復以手反之
 用覆頭上令此諸虫眾不淨物先適兩眼耳
 鼻及口無處不至見此事已於好女色及好
 男色乃至天子天女若眼視之如見癩人那

朱律六十七

利瘡虫如地獄箭半多羅鬼神狀如阿鼻地
 獄猛火熱焰應當諦觀自身他身是欲界一
 切眾生身分不淨皆悉如是舍利弗汝今知
 不眾生身根根本種子悉不清淨不可具說
 但當數息一心觀之若服此藥是大丈夫天
 人之師調御人主免欲淤泥不為使水恩愛

大河之所漂沒媼洗不祥幻色妖鬼之所燒
 害當知是人未出生死其身香潔如優波羅
 人中香為龍王力士摩醯首羅所不能及大
 力丈夫天人所敬佛告舍利弗汝好受持為
 四眾說慎勿忘失時舍利弗及阿難等聞佛
 所說歡喜奉行 又正法念經云比丘修行

者如實見身從頭至足循身觀察彼以聞慧或以天眼觀腦髓內自有虫行名曰腦行遊行骨内生於腦中或行或住常食此腦復有諸虫住腦髓中若行若食還食髓髓復有髮虫住於骨外食於髮根以虫瞋故令髮墮落復有耳虫住在耳中食耳中肉以虫瞋故令

人耳痛或令耳聾復有鼻虫住在鼻中食鼻中肉以虫瞋故能令其人飲食不美腦涎流下以虫食腦涎是故令人飲食不美復有脂虫生在脂中住於脂中常食人脂以虫瞋故令人頭痛復有續虫生於節間有名身虫住在人脉以虫瞋故令人脉痛猶如針刺復有

朱林六十七

三

諸虫名曰食涎住舌根中以虫瞋故令人口燥復有諸虫名牙根虫住於牙根以虫瞋故令人牙疼復有諸虫名歐吐虫以食違多生歐吐是名內修行者循身觀是十種虫住於頭中或以聞慧或以天眼初觀咽喉有虫名曰食涎齧嚼食時猶如嘔吐涎唾和雜欲咽

之時與腦涎合喉中涎虫共食此食以自活命若虫增長令人嗽病若多食膩或多食甜或食熏食或食酢食或食冷食虫則增長令人咽喉生於病疾復以聞慧或以天眼見消唾虫住咽喉中若人不食如上膩等虫則安隱能消於唾於十脉中流出美味安隱受樂若人多唾虫則得病以虫病故則吐令沫吐冷沫故胃中或病復以聞慧或以天眼觀於吐虫住人身中住於十脉流注之處若人食時如是之虫從十脉中踊身上行至咽喉中即令人吐生於五種嘔吐一風吐二痰吐三唾吐四雜吐五蠅吐若虫安隱則於膈口順入腹中復以聞慧或以天眼見蠅食不淨故蠅入咽喉令吐虫動則便大吐復以聞慧或以天眼見醉味虫行舌端乃至命脉於其中間或行或住微細無足若食美食虫則昏醉增長若食不美虫則萎弱若我不食醉虫則病不得安隱復以聞慧或以天眼見放

逸虫住於頂上若至腦門令人疾病若至頂上令人生瘡若至咽喉猶如蟻子滿咽喉中若住本處病則不生復以聞慧或以天眼見六味虫所食嗜味者我亦貪嗜隨此味虫所不嗜者我亦不便若得熱病虫亦先得如是熱病以是過故令於病人所食不美無有食

味復以聞慧或以天眼見杼氣虫以瞋恚故食腦作孔或咽喉痛或咽喉塞生於死苦此杼氣虫共咽喉中一切諸虫皆悉撩亂生諸痛惱此杼氣虫常為唾覆其虫短小有面有足復以聞慧或以天眼見增味虫住於頭下咽喉根中云何此虫為我病惱或作安隱彼

朱林六十七

見此虫增疾諸味唯嗜一味或嗜甜味憎於餘味或嗜酢味增於餘味隨所憎味我亦憎之隨虫所嗜我亦嗜之舌端有脉隨順於味令舌乾燥以虫瞋故令舌瘡瘡而重或令咽喉即得嗽病若不瞋恚咽喉則無如上諸病復以聞慧或以天眼見嗜睡虫其形微細狀

如牖塵住一切脉流行趣味住骨髓內或住肉內或體內或在頰內或齒骨內或咽骨中或在耳中或在眼中或在鼻中或在鬚髮此嗜睡虫風吹流轉若此虫病若虫疲極住於心中心如蓮華晝則開張無日光故夜則還合心亦如是虫住其中多取境界諸根疲

極虫則睡眠人亦睡眠一人衆生悉有睡眠若此睡虫晝日疲極人亦睡眠復以聞慧或以天眼見有腫虫行於身中其身微細隨虫飲血處則有腫起瘡瘡而疼或在面上或在頂上或在咽喉或在腦門或在餘處所在之處能令生腫若住筋中則無病苦復以聞慧

或以天眼見十種虫至於肝肺人則得病何等為十一名食毛虫二名孔穴行虫三名禪都摩羅虫四名赤虫五名食汁虫六名毛燈虫七名瞋血虫八名食肉虫九名瘡瘡虫十名酢虫此諸虫等其形微細無足無目行於血中痛癢為相復以聞慧或以天眼見食毛

壁

朱林六十七

五

虫若起瞋恚能噉鬚眉皆令墮落令人癩病若孔行虫而起瞋恚行於血中令身鹿遊頑痺無知若禪都摩羅虫流行血中或在鼻中或在口中令人口鼻皆悉臭惡若其赤虫而起瞋恚行於血中能令其人咽喉生瘡若食汁虫而起瞋恚行於血中令人身體作青癩瘦或黑或黃癩瘦之病若毛燈虫起於瞋恚血中流行則生病苦瘡癬熱黃疥癩破裂若瞋血虫以瞋恚故血中流行或作赤病女人赤下身體搔癢疥瘡膿爛若食血虫瞋而生病惱頭旋迴轉於咽喉口中生瘡下門生瘡若瘡瘡虫血中流行則生病疾疲頓困極不欲飲食若酢虫瞋恚亦令人得如是病復觀十種虫行於陰中何等爲十一名生瘡虫二名刺虫三名閉筋虫四名動脉虫五名食皮虫六名動脂虫七名和集虫八名臭虫九名濕生虫十名熱虫彼以聞蒸或以天眼見於瘡虫隨有瘡處諸虫遠噉食此瘡或於

咽喉而生瘡病或見刺虫若生瞋恚令人下痢猶如火燒口中乾燥飲食不消若人愁惱虫則歡喜噉人血脉以爲衰惱或下赤血或不消下痢或見閉筋虫行於鹿筋或行細筋若覺虫行筋則疼痛若不覺行筋則不疼一切骨肉皆亦消瘦筋中疼痛若虫瞋恚人不能食若住筋中而飲人血令人無力若食人肉令人羸瘦或見動脉虫是虫遍行一切脉中其身微細行無障礙若虫住人食脉之中則有病過令身乾燥不喜飲食若虫住水脉之中則有病生令口乾燥若在汗脉令人一切孔無汗若在尿脉令人淋病或令精壞或令痛苦若虫瞋恚行下門中令人大便閉塞不通苦惱垂死或見食皮虫以食過故虫則瞋恚令人面色醜惡或生惡皰或瘡或赤或黃或破或復令其鬚爪墮落令人惡病或皮斷壞或肉爛壞或見動脂虫住在身中脂脉之內若食有過若多睡眠此虫則

壁

朱林六十七

六

瞋不消飲食或生疥癩或生惡腫毛根蟻病
 或得癩病或脈脹或乾消病或身臭病或食
 時流汗或見和集虫集二種身一者覺身二
 者不覺身皮肉血等是名覺身髮爪齒等是
 名不覺身以食過故虫則無力人亦無力不
 能速疾行來往返睡眠蒙普或多焦渴皮肉
 骨血髓精損減或見臭虫住在肉中屎尿之
 中以食過故虫則瞋恚身肉屎尿唾涕皆臭
 鼻中爛膿或眼淚爛臭隨虫行處皆悉臭穢
 若衣若敷若食住在齒中以虫臭故食亦隨臭
 衣敷盡臭舌上多有白垢臭穢身垢亦臭或
 見濕行虫行背肉中知食消已入腰三孔取
 人糞穢汁則成尿滓則為糞令入下門復次
 修行觀者內身循身觀觀十種虫行於根中
 一切人身皆從中出何等為十一名瘡瘡虫
 二名癢癢虫三名苗華虫四名大諳虫五黑
 虫六名大食虫七名暖行虫八名作熱虫九
 名火虫十名大火虫此諸虫等住陰黃中彼

以聞慧或以天眼見瘡瘡虫以食若入睛中
 瞋恚食人眼瞇令人眼癢多出眼淚此微細
 虫若行眼中眼則多病或令目壞過故虫則
 眼生白瞶其虫赤色若虫不瞋則無此病或
 見癢癢虫住在人身行於陰中陰黃覆身若
 入骨中令人蒸熱若行皮中晝夜常熱手足
 皆熱若入皮裏身則汗出或見苗華虫行住
 陰中利嘔短足身如火藏不欲食飲隨所行
 處則大熱爛身血增長其身蒸熱若虫順行
 則無此病或見大諳虫住在身中行黃陰中
 或安不安以食過故虫則瞋恚從頂至足行
 無障礙能令身中一切熱血生於熱瘡若血
 若陰從於口中耳中流出若虫不瞋則無此
 病或見黑虫住在身內行於藏中或安不安
 以食過故虫則瞋恚令人面皴或生多瘡或
 黑或黃或赤或令身臭或令雀目或口中生
 瘡或大小便處生瘡若虫不瞋則無此病或
 見大食虫以食過故則生瞋恚住陰黃中隨

朱林卷七

+

+

食隨消若虫不瞋則無此病或見暖行虫常
愛暖食憎於冷食若我食冷虫則瞋恚口多
生水或寐或睡或心陰鬱管或身疼強或復
多唾或咽喉病若虫不瞋則無此病或見熱
虫住人身中以食過故病垢增長妨出入息
令身龐大或咽喉塞令大小便悉皆白色不

愛寒冷下愛淡食或見食大虫住在身內行
住陰中此虫寒時則便歡喜熱時萎弱寒歡
喜故人則憶食熱時火增不欲飲食於冬寒
時陰則清涼熱則陰發或見大火虫若人性
不便而強食之以食過故虫則瞋恚嗽身內
虫令人腸痛或脚手疼隨食虫處則皆疼痛

若虫不瞋則無如上復次修行者內身備身
觀彼以聞慧或以天眼觀於骨中有十種虫
何等爲十一名舐骨虫二名齧骨虫三名割
節虫四名赤口臭虫五名爛虫六名赤口虫
七名頭頭摩虫八名食皮虫九名風刀虫十
名刀口虫知此十虫行於骨中違情損身不

可具述復次修行者內身備身觀彼以聞慧
或以天眼見十種虫行於尿中何等爲十一
名生虫二名針口虫三名節虫四名無足虫
五名散汁虫六名三熊虫七名破腸虫八名
閉塞虫九名善色虫十名穢門瘡虫出其色
可惡住糞穢中此十種虫若違性瞋故亦損

朱林六十七

人身備在經文不可具述復次修行者內身
備身觀彼以聞慧或以天眼見十種虫行於
髓中有行精中何等爲十一名毛虫二名黑
口虫三名無力虫四名大痛虫五名煩悶虫
六名火虫七名滑虫八名下流虫九名起身
根虫十名憶念歡喜虫此之十虫若違性瞋
故亦損人身具如經說不可具述

地獄部第七 如罪業報應教化地獄經云
尔時信相菩薩爲諸衆生而作發起白佛言
世尊今有受罪衆生爲諸獄卒剉確斬身從
頭至足乃至其頂斬之已訖巧風吹活而復
斬之何罪所致佛言以前世時坐不信三尊

不孝父母屠兒魁膾斬截衆生故獲斯罪
第二復有衆生身體頑痺眉鬚墮落舉身洪爛鳥栖鹿宿人跡永絕沾汙親族人不喜見名之癩病何罪所致佛言以前世時生不信三尊不孝父母破壞塔寺剝脫道人斫射賢聖傷害師長常無返復背恩忘義常行苟且姪匿尊卑無所忌諱故獲斯罪第三復有衆生身體長大龍駮無足宛轉腹行唯食泥土以自活命爲諸小虫之所喫食常受此苦不可堪處何罪所致佛言以前世時坐爲人自用不信好言善語不孝父母反戾時君若爲帝主大目四鎮方伯州郡令長吏禁督護恃其威勢侵奪民物無有道理使民苦悴呼嗟而行故獲斯罪第四復有衆生兩目盲瞎都無所見或斲樹木或墮溝坑於時死已更復受身亦復如何罪所致佛言以前世時坐不信罪福障佛光明縫鷹眼合籠繫衆生皮囊盛頭不得所見故獲斯罪第五復有衆生

壁

朱林六十七

九

蹇吃瘡痘口不能言若有所說閉目舉手乃不言了何罪所致佛言以前世時坐誹謗三尊輕毀聖道論他好醜求人長短強誣良善憎嫉賢人故獲斯罪第六復有衆生腹大項細不能下食若有所食變爲膿血何罪所致佛言以前世時偷盜僧食或爲大會福食屏處偷噉悒惜已物但貪他財常行惡心與人毒藥氣息不通故獲斯罪第七復有衆生常爲獄卒熱燒鐵釘釘人百節骨頭釘之已訖自然火生焚燒身體悉皆焦爛何罪所致佛言以前世時坐爲針灸醫師針人身體不能差病誑他取財徒受苦痛令他苦惱故獲斯罪第八復有衆生常在鑊湯中爲牛頭阿傍以三股鐵叉叉人內著鑊湯中煮之令爛還復吹活而復煮之何罪所致佛言以前世時信邪倒見祠祀鬼神屠殺衆生湯灌滅毛鑊湯煎煮不可限量故獲斯罪第九復有衆生常在火城中燔煨齊心四門俱開若欲趣門

門即閉之東西馳走不能自免為火燒盡何罪所致佛言以前世時坐焚燒山澤火煨雞子燒煮眾生身爛皮剥故獲斯罪第十復有眾生常在雪山中寒風所吹皮肉剥裂求死不得何罪所致佛言以前世時坐橫道作賊剥脫人衣使冬月之日令他凍死生剝牛羊痛不可堪故獲斯罪第十一復有眾生常在刀山劍樹之上若有所捉即便割傷枝節斷壞何罪所致佛言以前世時坐屠殺為業烹害眾生屠割剥裂骨肉分離頭脚星散懸於高格稱量而賣或復生懸眾生苦痛難處故獲斯罪第十二復有眾生五根不具何罪所致佛言以前世時坐飛鷹走狗彈射禽獸或斷其頭或斷其足生滅鳥翼故獲斯罪第十三復有眾生攣臂背偻腰臃不隨脚踏手拘不能操涉何罪所致佛言以前世時坐為人野田行道安捨或安射窠施張弼穿陷墜眾生頭破脚折傷損非一故獲斯罪第十四復

有眾生常為獄卒桎梏其身不得免脫何罪所致佛言以前世時坐網捕眾生籠繫人畜飢窮困苦或為宰主令長貪取財錢枉繫良善怨酷昊天不得縱意故獲斯罪第十五復有眾生或顛或狂或癡或駭不別好醜何罪所致佛言以前世時坐飲酒醉亂犯三十六失復得癡身如似醉人不識尊卑不別好醜故獲斯罪第十六復有眾生其形甚小陰蔽甚大挽之身皮皆復進引行立坐卧以之為妨何罪所致佛言以前世時坐持生販賣自譽已物毀咎他財置升弄斗躡秤前後欺詐於人故獲斯罪第十七復有眾生男根不具而為黃門身不妻娶何罪所致佛言以前世時坐犍象馬牛羊猪狗死而復蘇故獲斯罪第十八復有眾生從生至老無有兒子孤立獨存何罪所致佛言以前世時坐為人暴惡不信罪福百鳥產乳之時賣持瓶器循大水渚求拾鴻鶴鸚鵡鵝雁諸鳥卵聲擔歸煮噉

朱林六十七

諸鳥失子悲鳴叫裂眼中血出故獲斯罪
 第十九者有眾生少小孤寒無有父母兄弟
 為他作使辛苦活命長大成人橫羅殃禍縣
 官所縛繫閉牢獄無人追飽飢窮困苦無所
 告及何罪所致佛言以前世時坐喜捕拾鵲
 鷲鷹鷄熊羆虎豹枷鎖而畜孤此眾生父母
 兄弟常恒憂悲悲鳴叫裂哀感人心不能供
 養常苦飢餓骨立皮連求死不得故獲斯罪
 第二十復有眾生其形甚醜身黑如漆兩目
 復青鞠頰俱增炮面平鼻兩眼黃赤牙齒疎
 缺口氣腥臭短短擁腫大腹凸髓脚復縷戾
 僂脊匡肋費衣健食惡瘡膿血水腫乾疥疥
 癩癰疽種種諸惡集在其身雖親附人人不在
 意若他作罪橫羅其殃求不見佛求不聞法
 求不識僧何罪所致佛言以前世時坐為人
 子不孝父母為臣不忠其君為君不敬其下
 朋友不賞其信鄉黨不以其齒朝廷不以其
 爵妄為趨詐心意顛倒無有其度不信三尊

弑君害師伐國掠民攻城破塢偷寨過盜惡
 業非一美已惡人侵凌孤老誣謗賢聖輕慢
 尊長欺誑下賤一切罪業悉具犯之眾惡集
 報故獲斯罪 尔時一切諸受罪眾生聞佛
 作如是說悲号動地淚下如雨而白佛言唯
 願世尊久住說法令我等輩而得解脫佛言
 若我久住薄德之人不種善根謂我常在不
 念無常善男子譬如孩兒母常在側不生難
 遭之想若母去者便生渴仰思戀之心母方
 還來乃生歡喜善男子我今亦復如是知諸
 眾生善惡業緣受報好醜故般涅槃尔時世
 尊即為此諸受罪眾生而說偈言

水流不常滿 火盛不久然 日出須臾沒
 月滿已復缺 尊榮豪貴者 無常復過是
 念當勤精進 頂禮無上尊
 又舊雜譬喻經云昔有六人為伴造罪俱墮
 地獄同在一釜中皆欲說本罪一人言沙二
 人言那三人言特四人言涉五人言如六人

法苑珠林卷六十七

十一

言陀羅佛見之笑目連問佛何以故笑佛言
有六人爲伴俱墮地獄共在一釜中各欲說
本罪熱湯沸涌不能再語各一語便迴下一
人言沙者世間六十億萬歲在泥犁中始爲
一曰何時當竟第二人言那者無有出期亦
不知何時當得脫第三人言特者咄咄我當

用治生不能自制意奪五家分供養三尊愚
貪無足今悔何益第四人言涉者言我治生
亦不至誠財產屬他爲得苦痛第五人言如
者誰當保我從地獄出便不犯道禁得生天
樂者第六人言陀羅者是事上頭本不爲心
計辭如御車失道入邪折軸車壞悔無所及

頌曰

盛年好放逸

凶猛勸不移

天長曉露促

生老病來資

百節俱酸痛

千病併著時

華堂相一捨

幽塗万苦批

感應緣略引一十三條

周宣王殺杜伯亡後現報

秦始皇伐終南山樹怪

秦高平李羨奴鬼

報晉吳郡張縫家殺鬼報

魏劉赤斧

夢祥侯曰
爲主簿

吳王夫差枉殺

見於錄

晉安定張祚爲

張祚

晉張傾枉殺

趙倫

宋林陵縣令

謝之枉

宋將軍張悅枉殺江州長史鄧琬現驗

宋文惠太子枉殺豫章王蕭嶷現驗

魏洛陽令寂仁祖枉殺成陽王元徽現驗

唐國初相州大慈寺群賊共停相殺汗青現驗

朱林在七

十三

周宣王殺杜伯不辜杜伯曰死若有知三年

必使君知之三年周宣王田於甫田從人滿

野日中杜伯乘白馬素車朱衣朱冠執朱弓

挾朱矢射王中心折脊伏屍而死

右一驗出
黑子傳

秦始皇時終南山有梓樹大數百圍蔭宮中

始皇惡之興兵伐之天輒大風雨飛沙石人

皆疾走至夜瘡皆合有一人中風雨傷寒不

能去留宿夜聞有鬼來問樹言秦王凶暴相

伐得不困耶樹曰來即作風雨擊之其奈吾

何又曰秦王使三百人被頭以赤絲繞樹伐

汝得無敗乎樹冥然無聲病人報秦王安言

伐之樹斫中有一青牛出逐之走入河於是

秦王立旄頭騎右一騎出

秦高平李羨家奴健至石頭堙忽見一人云

婦與人通情遂為所殺欲報讎豈能見助奴

用其言果見人來鬼便捉頭奴喚與手即使

到地還半路便死鬼以千錢一疋青絞綬袍

與奴囑云此袍是市西門丁與許君可自著

勿賣也晉永初二年吳郡張縫家忽有一

鬼云汝分我食當相祐助便與鬼食舒席著

地以飯布席上肉酒五肴如是鬼得便不復

犯暴人後為作食因以刀斫其所食處便聞

數十人哭哭亦其悲云死何由得棺材又聞

主人家有梓舡奴甚愛惜當取以為棺材見擔

船至有斧鋸聲洽船既竟聞呼喚舉屍著船

中縫眼不見唯聞處分不聞下釘聲便見船

漸漸昇空入雲霄中久久滅從空中落船破

成百片便聞如有數百人大笑云汝排能殺

我我當為汝所困者耶但知惡心我憎汝狀

故排船壞耳右二錄出魏劉赤斧者夢蔣侯

召為主簿日促乃往廟陳請母老子弱情事

果切乞蒙放恕會稽魏邊多才藝善事神請

與邊自代因叩頭流血廟祝曰特願相屈魏

邊何人而擬斯舉赤斧固請終不許尋而赤

斧死右此一驗出唯傳吳王夫差殺其日

公孫聖而不以罪後越伐吳吳敗走謂太宰

嚳曰吾前殺日公孫聖投於胥山之下今道

當由之吾上畏蒼天下慙於地吾舉足而不

進心不忍往子試唱於前若聖猶在當有應

嚳乃向餘堯之山呼曰公孫聖聖即從上應

曰在三呼而三應吳主大懼仰天歎曰蒼天

蒼天寡人豈可復歸乎吳主遂死不反

晉安定張祚以晉和中作涼州刺史因自立

為涼王河州刺史張璠士眾強盛祚猜忌之

密遣兵進逼璠璠率眾拒祚祚遂為璠所殺

璠後數見祚來部從鎧甲舉手拍璠云底奴

要當截汝頭璠入姑臧立張玄靜為涼王自為

涼州牧又謀廢玄靜而自王事未遂聞與玄

靜同車出城西門橋樑牢壯而忽摧折刺史
舊事正旦放鳥隼所放出手輒死有鸛來巢
廣夏門彈遂不去自往看之宋燉煌宋混遣
弟澄即於巢所害璿璿臨命語澄曰汝荷婚
姻而爲反逆皇天后土必當照之我自可死
當令汝劓我矣混自爲尚書令輔政有疾晝

日見璿從屋而下奮入柱中其柱狀若火燒
掘土則無所見混因病死澄又燃燈油變爲
血甕中馬一夕無尾二歲小兒作老公聲呼
曰宋混澄斫汝頭又城東水中出火後三年
澄爲張邕所殺晉張傾西域校尉張傾以怨
殺趙儉臨死有恨言後傾夜見白狗自按劍

宋林六十七

十五

斫之不中傾便倒地不起左右見儉在傍遂
以暴卒宋元嘉中李龍等夜行劫掠于時丹
陽陶繼之爲秣陵縣令微密尋捕遂擒龍等
所龍引一人是太樂伎忘其姓名劫發之夜此伎
推同伴往就人宿共奏音聲陶不詳審爲作
欸列隨例車上及所宿主人士貴賓客並相

明證陶知枉濫但以文書已行不欲自爲通
塞遂并諸劫十人於郡門斬之此伎聲藝精
能又殊辯慧將死之日親隣知識看者甚衆
伎曰我雖賤隸少懷慕善未嘗爲非實不作
劫陶令已當具知枉見殺害若死無鬼則已
有鬼必自陳訴因彈琵琶歌曲而就死衆知

其枉莫不殞泣月餘日陶遂夜夢伎來至案
前云昔枉見殺實所不分訴天得理今故取
君便入陶口仍落腹中陶即驚寤俄而倒絕
狀若風顛良久方醒有時而發輒支矯頭反
著背四日而亡亡後家便貧額一兒早死餘
有一孫窮寒路次宋秦初元年江州長史鄧
琬立刺史晉安王子勳爲帝以作亂初南郡
太守張悅得罪鎮歸揚都及溢口琬赦之以
爲冠軍將軍與共經紀軍事琬前軍袁顛既
敗張悅懼誅乃稱暴疾伏甲而召鄧琬既至
謂之曰卿始此禍而欲賣罪少帝乎命斬於
牀前并殺其子以琬頭至五年悅寢疾見琬

為厲遂死。朱濟豫章王蕭疑亡後忽見形於沈文季曰我病未應死皇太子加膏中十
 一種藥使我不差湯中復加藥一種使我利
 不斷吾已訴先許還東郡當判此事便懷出
 青紙文書示文季去與卿少舊為呈主上也
 俄而失所在文季懼不敢傳少時文惠太子

薨。魏城陽王元徽初為孝莊帝畫計殺余
 朱榮及余朱地入洛害孝莊而徽懼走投洛
 陽令寢祖仁祖仁父叔兄弟三人為刺史皆
 徽之力也既而余朱地購徽万户侯祖仁遠
 斬徽送之并匿其金百斤馬五十疋及地得
 徽首亦不賞侯地乃夢徽曰我金二百斤馬

百疋在祖仁家鄉可取也地覺曰城陽家本
 巨富昨令收捕全無金銀此臺或實至曉即
 令收祖仁祖仁又見徽曰足得相報矣祖仁
 疑得金百斤馬五十疋地不信之祖仁私欲
 戚屬得金三十斤馬三十疋輸地猶不充數
 地乃發怒懸頭於樹以石礮其足鞭捶殺之

右此七驗出寃寃志 唐初相州大慈寺塔被焚
 以大業末年郡賊互興寺在三爵臺室西葛
 萋山上四鄉來投築城固守人物擁聚尺地
 不空塔之上下重複皆滿於中穢汗不可見
 聞賊平之後人散寺僧無力可除忽然火起
 焚蕩內外一切都盡唯東南角太子思惟像

殿得存可謂火淨以除臭穢也此塔即隋高
 祖手勅所置初以隋運剗臨天下未附吳國
 公蔚迥周之柱曰鎮守河北作牧舊都聞楊
 氏御圍心所未允即日聚結舉兵扼詔官軍
 一臨大陣摧解牧擁俘虜將百万人怒集寺
 北遊豫園中明旦斬決圍牆有孔出者繼之

至曉使浙猶有六十万入並於漳河岸斬之
 流屍水中水為不流血河一月夜夜鬼哭哀
 怨切人以事聞帝曰此段一誅深有枉濫賊
 止蔚迥餘並被驅當時惻隱咸知此事國初
 機候不獲縱之可於遊豫園南葛萋山上立
 大慈寺折三爵臺以營之六時禮佛加一拜

壁

朱林六十七

十七

為園中枉死者寺成僧住依勅禮唱然哭之
聲一斯頓絕上來所引者也孫相係目觀親
知信承佛教善惡之報驗知不虛我報還戈
我償豈有斯謬矣

延聖比丘惟拱書

法苑珠林卷第六十七

壁七

繆口阮 馮即累 酢且改 瘡似入 痲他典 藪徒
反口阮 馮即累 酢且改 瘡似入 痲他典 藪徒
反莫崩 睽即兼 眈尺支 批側側 纒紅子
反莫崩 睽即兼 眈尺支 批側側 纒紅子
反中劣 舐神紙 涼其亮 髓皆官 捷反已 纒紅子
反中劣 舐神紙 涼其亮 髓皆官 捷反已 纒紅子
反七 罪與極 眈徒年 技土刀 胸其俱 購紅子
反七 罪與極 眈徒年 技土刀 胸其俱 購紅子
反供 聳相居 詔反 顛與豈 郎反 地征名
反供 聳相居 詔反 顛與豈 郎反 地征名
反方扶 履九 遇自 螺蚘 溢蒲
反方扶 履九 遇自 螺蚘 溢蒲

平江府積沙延聖院大藏經坊一據

嘉興府華亭縣脩竹鄉四十二保錢益里居住奉
佛弟子盛璿 同男孫二位家眷等

情育生前慈心親書遺言喜捨十七界官會堂萬式既貫恭入
本院大藏經坊建造西廊一帶屋宇內將式既貫開刊法苑珠
林第六十七卷計捌阡陸佰叁拾字每字伍拾文總計肆佰叁拾壹

貫伍佰文所集 功德懺滌 璿曩劫為人已來一切所作罪
懃悉令消滅永生安養淨土面奉
阿你如來者
寶祐元年八月 日 謹題

法苑珠林卷第六十八

唐上都西明寺沙門釋道世撰

業因篇第七十八 此有五部

述意部第一 夫涉其流者則澄愛河而清

五濁失其宗者則震邪山而起三障靜言茲

理豈虛也哉是知善由信發惡由邪開所以

一念之惡能開五不善門一念之善能除累

劫之殃是故善須厥琢自勉可有心師之訓

惡須省退懲過可有情悔之時不介徒煩長

養浪飾盡瓶終糜碎於黃塵會楚苦於幽俯

貽厥緇素鑒勗意焉 業因部第二

貽厥緇素鑒勗意焉 業因部第二